



REPUBLIKA E SHQIPËRISË
PROKURORIA E PËRGJITHSHME

**SHPALLJE PËR LËVIZJE PARALELE
DHE PËR PRANIMIN NË SHËRBIMIN CIVIL
NË KATEGORINË EKZEKUTIVE (Specialist)**

Njoftim për vënd pune të lirë në administratë në pozicionin “specialist- jurist, në Sektorin e Prokurimeve Publike, në Prokurorinë e Përgjithshme.

Prokuroria e Përgjithshme, shpall konkurrimin për nëpunës civil të kategorisë ekzekutive III-b, pika 2 klasa B, për vëndin e punës në pozicionin **“specialist - jurist ”**. Proçedura e rekrutimit, përzgjedhjes dhe periudha e provës do të realizohet:

Pozicionet më sipër, u ofrohen fillimisht nëpunësve civilë të së njëjtës kategori për procedurën e lëvizjes paralele!

Vetëm në rast se nga këto pozicione, në përfundim të procedurës së lëvizjes paralele, rezulton se ende ka pozicione vakante, ato janë të vlefshme për konkurimin nëpërmjet procedurës së pranimit në shërbimin civil për kategorinë ekzekutive.

Për të dy procedurat (lëvizje paralele dhe pranim në shërbimin civil në kategorinë ekzekutive) aplikohet në të njëjtën kohë!

Data e dorëzimit të dokumentave: 10/05/2022

****Afati i aplikimit dhe dorëzimit të dokumentacionit është i njëjtë për të dyja procedurat.***

Konkurrimi për vëndin e punës në pozicionin “specialist- jurist” në Sektorin e Prokurimeve Publike, në Prokurorinë e Përgjithshme Tiranë, do të bazohet në:

- Ligjin nr. Ligji nr. 162, datë 23.12.2020, “Për Prokurimin Publik”;
- Vendimi i Këshillit të Ministrave nr. 285, datë 19.05.2021 “Për Miratimin e Rregullave të Prokurimit Publik”, i ndryshuar;
- Ligjin Nr. 36/2020 “Për Prokurimet në fushën e mbrojtjes dhe të Sigurisë”
- Vendimi i Këshillit të Ministrave Nr. 1170, datë 24.12.2020 “Për miratimin e rregullave të prokurimit në fushën e mbrojtjes dhe të sigurisë”
- Njohuritë për Kushtetutën e Republikës së Shqipërisë;
- Ligjin nr.97/2016, “Per organizimin e funksionimin e Prokurorisë së Përgjithshme;
- Kodin e Proçedurave Administrative;

b) Konkurrimi do të zhvillohet në dy faza:

i. Faza e parë:

- Verifikimi paraprak i kandidatëve për plotësimin e kërkesave të përgjithshme dhe atyre të veçanta të përcaktuara në shpalljen për konkurim
- Sektori i Burimeve Njerëzore në bazë të dokumentacionit të paraqitur, jo më vonë se 5 (pesë) ditë pune nga data e mbylljes së pranimit të tyre, do të bëjë verifikimin paraprak të kandidatëve, që përmbushin kërkesat e përgjithshme dhe të veçanta, të përcaktuara në shpalljen për konkurim
- Kandidatët që plotësojnë kërkesat e përgjithshme dhe të veçanta të pozicionit të punës, renditen në një listë sipas rendit alfabetik e cila administrohet në S.B.Nj dhe do të shpallet në faqen zyrtare të internetit PP dhe në hyrjen kryesore të Prokurorisë së Përgjithshme.
- Kandidatët, që nuk plotësojnë kërkesat e përcaktuara në shpalljen për konkurim, renditen në një listë të veçantë në të cilën regjistrohen edhe arsyet e mosplotësimit të këtyre kërkesave. Kjo listë nuk publikohet dhe administrohet në S.B.Nj e cila njofton në mënyrë individuale kandidatët që nuk janë kualifikuar.
- Çdo kandidat ka të drejtë të paraqesë ankesë pranë S.B.Nj, brenda 5 (pesë) ditëve kalendrike nga data e shpalljes së listës. Ankuesi mer për gjigje brenda 5 (pesë) ditëve kalendrike nga data e depozitimit të ankesës

ii. Faza e dytë përbëhet nga vlerësimi i kandidatëve që përfshin:

- Vlerësimin e jetëshkrimit të kandidatëve, që konsiston në vlerësimin e arsimit, të eksperiencës e të trajnimeve, të lidhura me fushën, si dhe vlerësimet e arritjeve vjetore
- Vlerësimi me shkrim.
- Intervista e strukturuar me gojë.

c) Pranimi do të bëhet për 1 (një) vend pune në pozicionin “specialist- jurist”.

ç) Për pranimin në shërbimin civil, kandidati duhet të plotësojë kërkesat e përgjithshme sipas nenit 21, të ligjit nr.152/2013, “Për nepunesin civil”, i ndryshuar, si më poshtë:

- Të jetë shtetas shqiptar.
- Të ketë zotësi të plotë për të vepruar.
- Të zotërojë gjuhën shqipe, të shkruar dhe të folur.
- Të jetë në kushte shëndetësore që e lejojnë të kryejë detyrën përkatëse.
- Të mos jetë i dënuar me vendim të formës së prerë për kryerjen e një krimi apo për kryerjen e një kundërvajtjeje penale me dashje.
- Ndaj tij të mos jetë marrë masa disiplinore e largimit nga shërbimi civil, që nuk është shuar sipas këti ligji.

d) Kërkesat e **veçanta** të grupit të administrimit të posaçëm janë:

- Të ketë përfunduar arsimin e lartë dhe të jetë diplomuar në degën juridik me diplomë të nivelit Master profesional.
- Të ketë përvojë pune, jo me pak se 5 vjet, prioritet përbën përvoja punës e ngjashme me detyrat kryesore që do të kryejë në këtë pozicion pune.
- Të zotërojë me dëshmi një nga gjuhët e huaja të BE
- Të ketë aftësi të mira komunikimi dhe të punës në grup.

dh) Vendi i punës në pozicionin “**specialist - jurist**” bën pjesë në grupin e administrimit të posaçëm. Ai vepron nën autoritetin e Përgjegjësit të Sektorit të Prokurimit Publik, dhe ka këto detyra dhe përgjegjësi kryesore, por jo vetëm:

- specialisti i Prokurimit Publik kryen detyrat e caktuara në kuadrin e detyrave që ka sektori.
- në bazë të kërkesave për punë, mallra ose shërbime është përgjegjës për sigurimin e të dhënave të nevojshme nga strukturat përkatëse në institucion për përgatitjen dhe dorëzimin e regjistrit vjetor të parashikimeve të prokurimeve publike për Prokurorinë e Përgjithshme dhe të autoriteteve kontraktore të varësisë, brënda afateve kohore brënda afateve kohore në përputhje me legjislacionin e prokurimeve.
- për fondet e krijuara apo të shtuara, si Prokuroria e Përgjithshme edhe autoritet kontraktore të varësisë hartojnë regjistra shtesë dhe i paraqesin pranë Specialistit të Prokurimit Publik, i cili, përgatit dhe dorëzon një kopje në zyrat e thesarit në rrethe, për të reflektuar ndryshimet përkatëse.
- është përgjegjës për dorëzimin çdo katër muaj të regjistrit të realizimeve të prokurimeve publike, për Prokurorinë e Përgjithshme dhe të autoriteteve kontraktore të varësisë, (sipas informacionit të hollësishëm për veprimtaritë e realizuara të prokurimit të dërguara prej tyre), brënda afateve kohore në përputhje me legjislacionin e prokurimeve.
- është përgjegjës që në bazë vlerës monetare të fondeve në dispozicion të përcaktojë procedurën e prokurimit si dhe zhvillimin e këtyre procedurave, në përputhje me rregullat dhe legjislacionin në fuqi si:
- përgatit dhe përpilon bashkë me anëtarët e tjerë të njësisë së prokurimit dokumentat e tenderit, kërkesat për kualifikim dhe kriteret e vlerësimit në përputhje me rregullat dhe legjislacionin në fuqi dhe siguron nënshkrimin e tyre nga të gjithë anëtarët e komisionit të njësisë së prokurimit.
- kryen funksione të tjera të caktuara me ligj ose me urdhër të posaçëm.

e) Mënyra e dorëzimit të dokumentacionit të bëhet me poste ose e drejtpërdrejtë në protokollin e institucionit me adresë: Prokuroria e Përgjithshme/Spektori i Burimeve Njerëzore (konkurrimi për vendin e punës në pozicionin “specialist – jurist”) me adresë: Rruga “Qemal Stafa, nr.1, Tiranë, email: info@pp.gov.al;

ë) Afati i dorëzimit të dokumentave është data **10.05.2022**, i cili është jo me vonë se 30 ditë kalendarike nga dita e parë e shpalljes në faqen elektronike dhe tek dera e Prokurorisë së Përgjithshme. Për dokumentat që dorëzohen me postë data e dorëzimit është ajo e vulës postare në momentin e pranimit të objektit postar.

f) Data e daljes së rezultateve për fazën e vlerësimit paraprak të kandidatëve është 15.05.2022

g) Konkurrimi për vendin e punës në pozicionin “specialist- jurist ” do të zhvillohet:

- Vendi: Prokuroria e Përgjithshme, salla e mbledhjeve në adresën: Rruga “Qemal Stafa nr.1, Tiranë.

gj) Mënyra e vlerësimit të kandidatëve:

- Totali i pikëve të vlerësimit të kandidatëve është 100, të cilat ndahen përkatësisht:

÷ Për vlerësimin e jetëshkrimit (cv) të kandidatëve, që konsiston në vlerësimin e arsimimit, të eksperiencës e të trajnimeve, të lidhura me fushën, si dhe vlerësimet e arritjeve vjetore, **15 pikë;**

÷ Për intervistën e strukturuar me gojë, **25 pikë;**

÷ Për vlerësimin me shkrim, **60 pikë.**

h) Mënyra e njoftimit dhe komunikimit me kandidatët do të bëhet nëpërmjet adresave të email, me mesazhe në numrin e celularit, dhe në faqen e internetit.

Për me shume informacion për Prokurorinë e Përgjithshme dhe veprimtarinë e saj mund të vizitoni edhe faqen tonë në internet: www.pp.gov.al

PROKURORIA E PËRGJITHSHME

TIRANE MË 12.04.2022